

c. 793—795

CARISSIMAE IN CHRISTO FILIAE EUGENIAE<sup>1</sup> ALBINUS<sup>a</sup> SALUTEM.

Placet<sup>b</sup> mihi sepius, tametsi<sup>c</sup> paucis<sup>d</sup> litteris, non tamen parva officia salutationis<sup>e</sup> tuae dirigere germanitati et tuis ingerere<sup>f</sup> cogitationibus ammonitionis<sup>g</sup> meae<sup>h</sup> vel promissionis<sup>i</sup> tuae<sup>k</sup> salutiferas conlationes<sup>l</sup>; quatenus nobilissimum virginitatis decus integro conservare corpore coneris, rememorans gloriosam castitatis mercedem eorum, 5  
 Apoc. 14, 4. qui<sup>m</sup> in caelis per magna aeterni<sup>n</sup> regis palatia agnum sequuntur<sup>o</sup>, quocumque ierit. Quid hac gloria beatius vel hac beatitudine gloriosius? ubi naturae<sup>p</sup> victor omnium<sup>q</sup> conditori creaturarum consociabitur<sup>r</sup>. Nec labor cotidianus deterreat<sup>s</sup>, quem spes<sup>t</sup> tantae remunerationis<sup>u</sup> consolabitur. Paucorum labor dierum aeternis remunerabitur<sup>v</sup> praemiis. 10

Sit quoque virginitas elemosinarum<sup>w</sup> largitate fertilis; nec sibi caducas divitiarum gazas avida congreget<sup>x</sup> manu, sed larga mente in membra sui distribuatur<sup>y</sup> sponsi. Geminis<sup>z</sup> caritatis scilicet et castitatis pennis ad alta caelorum regna transvolet. Nec virgo, carnis concupiscentiae<sup>a</sup> vinculis libera, avaritiae laqueis constringatur<sup>b</sup>; sed, sui ipsius victrix, etiam saeculi ignavae cupiditati<sup>c</sup> non succumbat. Sed sibi misericordiae 15  
 operibus<sup>d</sup> quasi ramis virentibus in arcem<sup>e</sup> caelestis Hierusalem viam sternat, ubi, laudibus excepta angelicis, magni<sup>f</sup> imperatoris thalamum aeterna introducatur<sup>g</sup> laetitia.

Ut hoc fieri valeat, vigilare debet huius inquisitor margaritae<sup>h</sup>, non inertiae<sup>i</sup> sopitus<sup>k</sup> somno<sup>l</sup> dormire; immo saepius orationibus<sup>m</sup> nocturnis vel diurnis pulsare ianuas perpetuae<sup>n</sup> civitatis. Et<sup>o</sup> veniens<sup>p</sup> apertas inveniet<sup>q</sup>, quas<sup>r</sup> quisque, ab hoc<sup>s</sup> 20  
 carnali carcere deductus, nimium intrare cupiet<sup>t</sup>. Quod<sup>u</sup> ante summa diligentia praevidere debet<sup>v</sup>, ut portas tunc inveniat<sup>w</sup> patentes angelicosque choros<sup>x</sup> suscipientes obviis<sup>y</sup> manibus animam<sup>z</sup> ad deducendam<sup>a</sup> in cubiculum regis, aeternis<sup>b</sup> fruituram<sup>c</sup> gaudiis<sup>d</sup>. Perpetuumque laudis carmen decantabit in praesentia sui sponsi, dicens: 'Benedic anima mea Dominum et omnia opera<sup>e</sup> eius<sup>f</sup>; in omni loco dominationis<sup>g</sup> eius benedic 25  
 anima mea Dominum'.

Vivas, valeas et floreas, virgo nobilissima in Christo.

a) Alcuinus Q. b) placuit S 1, D. c) tametsi T; licet A 1\*; tam si D. d) si paucis tamen (tam K 2) K. e) salutationes T, K 2. f) ingere S 1, D. g) ammonitiones T, K; corr. in -nis A 1\*; ammonis S 1. h) meas K 1. i) promissiones K 2. k) sanctae S 1; om. K 2. l) conlocutiones 30 K 1; collocutiones A 1\*. m) et T, K, D, S 1; Ecce pro eorum qui A 1\*. n) aeterna T. o) sequentes S 1(?), D. p) natura S 1, D. q) omne S 1. r) sociabitur K 1; consociabitur S 1. s) decrescat K 1. t) spei K 1. u) remuneratione K. v) praem. rem. S 1. w) elemosinarum S 1; elemosinarum K 1. x) congregat T, S 1, K 2, D; corr. in congreget Q. y) dispenset K 1, A 1\*. z) gemmis T, S 1, K 2, D, Q. a) concupiscentia K 2. b) confringatur Q. c) ignava cupiditate T, S 1, Q; 35 ignavia cupiditate K, A 1\*. d) operis D. e) arce Q. f) magna S 1, D. g) introducitur T, S 1; inducatur K 1, A 1\*. h) margaretae T, S 1, K 2. i) inertia K 2. k) sopitur S 1, D. l) sompno Q. m) oracione K 2. n) om. D. o) ut Q. p) venies K 2. q) inveniat Q. r) quia D, om. A 1\*. s) hac T, S 1, D, Q, K; ac K 2. t) cupiat S 1, D; cupiens Q. u) om. Q. v) est S 1, D; debet — angelicosque om. K 2. w) inveniet T, S 1, K 1, D; corr. in inveniat Q. x) choras K 2. y) obvios K 1, A 1\*; 40 om. S 1. z) om. S 1. a) ducendam K 1; ad te ducendam K 2; deducendum A 1\*. b) corr. in aeterni Q; aeterni K 1; corr. in -nis A 1\*. c) fruitura S 1, D. d) gaudens K 1. e) operę S 1. f) om. T, S 1. g) dominationes T.

1) i. e. Aedilburgae, filiae Offae regis Merciorum, quae inter nomina reginarum et abbatissarum in libro vitae Dunelm. p. 3 occurrit (Aedilburg), cf. Offae regis tabulam d. anno 787 (Birch Cartular. 45 Saxon. I, 349): pro me et pro Cynedriþa regina mea et pro Egfrido filio meo et filiabus meis Ethelburgae abbatisse et Aethelflede et Edburge et Aethelsvithe; Aldredi subreguli Huiciorum tabulam datam spatio annorum 778—781 (ib. 331), qua is Aethelburgae abbatissae propinquae suae tribuit monasterium illud on Flaedanbyrg (Fladbury in Worcestershire). J.